

BIBLIOTHECA JAVANICA

uitgegeven door het

KON. BATAVIAASCH GENOOTSCHAP VAN KUNSTEN
EN WETENSCHAPPEN

2

TANTRI KĀMANDAKA

Een Oudjavaansche Pañtjatantra-Bewerking

in tekst en vertaling uitgegeven

door

Dr. C. HOOYKAAS



1931

„yadyapi nīca sangulun. Pet guṇa doṣa, sadenya, rasa lawē-
 „lawēn de Pāduka ra sangulun, kadyangga nikang wiwi
 „salas, wuwusnya ring sang ratu Aridharma. Mangkana
 „wuwus sangulun”. — Sumahur sang Caṇḍapinggala, ling-
 nira: „Mapa ta ling nikang wiwi salas ring sang ratu
 „Aridharma?” — Sumahur ikang Sambaddha çrēgala: „Lah
 „patik sangulun macarita, rēngēn de rahadyan sangulun:

✱) Ana sira ratu mahārājāridharmābhiṣekanira prabhu, ri-
 tadanantāra mara sireng alas mabuburu sira. Amanggih
 ta sira nāginī-kanyā duryaça, malaki ring ula dëlēs. Umulat
 pwa ya sira: „Uḍuh salah çīla ¹⁾ arah, naginī-kanyā kapwa
 „kita, malaki pwa yeng ula dëlēs ²⁾. Yeku warṇa-sanghāra
 „ngaranya, tan yogya ika çīlanya, mangkanaa. Tan kawa-
 „çāku niṣṭhuraa ³⁾, apan aku ratwa ning prajā; mapa kali-
 „nganya? Wiparīta ika!” Ling Mahārāja; pinatyan ikang
 ula dëlēs; ikang nāginī-kanyā pinupuh de sang nātha.

Mulih ikang nāginī-kanyā saçoka, mawarah ring ³⁾ bapanya
 sang Nāga-Rāja, saha tangis denya mojar. Matakwan sang
 Nāga-Rāja: „Mapa ikang pinangisakēn, anaku?” — Awuwus
 ikang nāginī-kanyā: „Ana sira ratu Mahārājāridharma
 „ngaranya, wanacara maburu-buru. Tinonira juga pwa ngulun
 „rahayu, sinomahira ta ngulun tan angga. Mamakṣakēn juga
 „sira, sawet ning hyunira. Binuru ngulun sinakitan, pinupuh
 „juga. [Mangkana panangis ning tanayanta”. — „Ndah jugâ-
 „naku pangēr kita sakarēng, aku mējahana sang ratu Ari-
 „dharma pahenakēn jugāmbēktānaku”. Tan masowe lunga
 sang Nāga-Rāja.

[74] Umareng kaḍatwan Çri Aridharma, mēnggēp arūpa
 brāhmaṇa tumameng dalēm pura. Maluya nāga-rāja muwah
 pinahalitnya awaknira, masēnētan ring sor ing palangka.
 Kunang sang Ratu sēḍēngnira pagugulingan lawan kasihnira

¹⁾ naar 4533; 4534 heeft: sihira ya.

²⁾ 4534 heeft hier nog de overbodige woorden: ikang nāginī.

³⁾—³⁾ ontbreekt in 4534; aangevuld uit 4533.

dewī Māyāwatī ngaranira. Umangěn-angěn uměněng ta sira; mojar dewī Māyāwatī, lingnira: „E Mahārāja, **dinga-ryan** pwa Aji tan kadi **sosowen**”. — Sumahur sang Nāthâridharma ri swāmīnira: „Ana nāginī-kanyā, katemw ing „alas de mami, nguni mamy aburu-buru. Salah ulah pwa ya: „malaki ring ula dëlës; tan yogya ika çilanya. Kadyangga ni-„kang brāhmaṇī malaki açūdra-janma, apan ika gawe **wiparita** „ring bhūmi, warna-**sanghāra** ngaranya. Muwah kenakanya „malakya sang brāhmaṇa juga. Mangkana ta sang nāginī, tan „salah kramaa yan tan nāga-rāja-putra. Ika ta malaki ula „dëlës, tan yogya ika. Matangnya n ngwang mējahi ula „dëlës; kunang ikang nāginī-kanyā, pinupuh ni ngulun”. Mangkana ling sang Nāthâridharma.

Marěngě ta sang Nāga-rāja, mangěn-angěn pwa yeng atinya: „Anaku kita karih lukan denya salah çilanya, **juti** „dahat ikang nāginī; mahādibya paramârtha kapwa sang „Nāthâridharma. Tuhu-tuhu yan mamawa rat; wenang sira „umilangakěna kalěngka ning jagat, ikang ala çilanya”. Mangkana ling nikang nāga-rāja ri atinya. Mijil pwa ya sakeng sor ning palangka, waluy arūpa brāhmaṇa muwah.

Sinwāgata de Mahārājâridharma, sumahur sādhu wāk¹⁾: „Sangulun bapa ning nāginī, ikang pinalu nguni de Sang „Nātha denya duṣṭanyâmběknnya. Wěnanng Sang Nātha „mamīḍanaha²⁾, yan ana **durwyasananya**³⁾. Malampah „anugraha ta Sang Nātha sakahyun Çrī Mahārāja”. — Sumahur Sang Nātha, lingnira: „Mahyun wruha mami çabda „ning satwa kabeh, pangartyan ika”. — „Rahayu ling Sang „Nātha, lah aywa sangçaya, Çri Mahārāja, kunang samaya „ni ngulun. Tar wěnanng yan weraha ing lyan, Aji⁴⁾; joh⁵⁾

1) 4533: duwak.

2) Naar 4533; 4534 heeft: miḍahana.

3) Of durçāsananya, i. p. v. duççāsananya.

4) Vertaald als Vorst, al is in dit verband „leer” niet uitgesloten te achten; de volzin zou dan echter zeer verwrongen moeten worden, of beschouwd als defect.

5) Er stond: duh.

„tasmāt matya kita, yan mawaraheng lyan”. — Mamastwani sang Nāga-Rāja; lunga ta ya mulih ing pātāla.

[75] Kari Mahārājāridharma, magugulingan sira ring dina-kāla, lawan kasihnira Dewī Māyāwatī. Umulat iking cēcěk ri ruhur Sang Nāthâguling, kunang lingnya: „Duh „antyanta kapengin mami ruměngě pañumbana Sang Nātha „ri patnīnira; tan kadi tuwuhku, tinambang tan kinasihan „tuwi tan tinunggal. Ah ah Sang Ratu Aridharma saphala „sihta”. Mangkanârtinya çabda ning cēcěk.

Umulat Sang Nātha, tēhěr gumuyu sira, midēm sirâpacēh. Mojar dewīnira: „Sang Nātha, uduh tan anggēh amběk ni „ngulun mulat. Taha mapa tikang ginuyu de Sang Nātha?” — „Taha dewī, ya ta sukha guywan juga ngulun”, mangkana ling sang Prabhu, „ana ndatan warahakēna ika”. — Mojar Dewī Māyāwatī: „Ngulun juga mahyun wruha”. — „Aywa, „dewī, matya rakwa ngwang yan umaraha iri kita”. — Suma-hur dewīnira: „Sâjñā Aji, ngulun juga misan pējaha, yan tan- „pawarah Sang Prabhu ri kalinganya”. — „Taha, Dewī, kita „yan warahēnkwa, pagawayakēn tunwan tumangan, rumu- „hun, lah konēn taṇḍa rakryan, makāryaa kang tumangan, „panggungan, mwang larung, gopura, witāna biddhanāga ¹⁾, „pakarmanya, cara-cara pahayun”.

Tēlas ika kinārya; mapunya-dāna Sang Prabhu Aridharma, ring sang brāhmaṇa, sang rēsi, mwang çiwa-boddha, asing mūlya ring kaḍaton, rāja-yogya, mas, maṇi, rajata, wastrādi mwang artha — ya ta sinungakēnira ²⁾.

Sēdēng dumilah ujwala urubnya Hyang Agni, mungga ta sirâtuntunan lawan Dewī Māyāwatī; sēdēngnira aneng ruhur lantaran kapwa sira kalih — ana ta wēḍus lakīstrī, mētū sakeng sukēt. Si **Wiwitā** ngaran kang wadon, Si **Banggali** kang lanang. Ya ta mareng tunga ning tunwan; mojar si Wiwitā ri lakinya: „E bapanyânaku, pangalapakēna

¹⁾ Er staat: bindaraga.

²⁾ 4533: tinuhwakēnira.

„ngulun wawar ing tunwan; mahyun ¹⁾ panganěn mami,
 „manginakanya pangidam mami. Ndan ika kahyun mami,
 „aywânginak-inak!” — Mojar lakinya, lingnya: „Uđuh, tan
 „wruh ing wiṣṭi kapwa kita, tan toněn ta kang rumakṣa,
 „kumuliling ring tunwan ¹⁾, saha sañjatanya lwirnya, tuhuk
 „kaṇḍaga mwang tumbak. Paranta tēmahanta?” — Mojar
 si Wiwitā: „Lah tan sihta gane kiteng aku; lah pějaha
 „pisan ²⁾ aku, yan tan katěkana kahyun mami”. — Sumahur
 ikang lanang: „Lah mara ngke pwa kita pějaha; mapa ta
 „kalaran aku iri kita? Bwat tan kadi sang Ratu Aridharma
 „ngulun, koluyan dening wuwus ning strīnira. Wis ³⁾ tan
 „ahyun pwâku yan mangkanaa, apan tan mangkana sang
 „mahāpuruṣa ngaranira, wěnanang masih wěnanang tan masih.
 „[76] Nistanyâku satwa, tan mahyun yan mangkanaa, kunang
 „kahyunta, milwa angkwa ri kita”. Nahan wuwusnya si
 Banggali, manguman-uman i rabinya.

Kunang wuwusnya kalih ikang wěḍus, ya ta riněngwakěn
 de Mahārājâridharma; udhāni sira wěkasan. Lingnireng ati:
 „Antyanta sādhu ⁴⁾ wuwusnya ikang wěḍus. Ya ta kari pāpa,
 „yukti dahat ika; mapan tuhu dudu, wuwus ning strīnya”,
 rumaseng twasira. „Satwa jātinya, ndatan gya kapitut eng
 „strīnya. Ngulun iky apan Ratu; yan ahayuna kasorana
 „dening strīnya, syapa ya sumirangery aku? Ikang Wiwitā
 „satwādhamā, tan angga kawicwāsa ning strī”. Mangka-
 nāngěn-angěn Mahārājâridharma.

Moga ta sira tumurun sakeng tumangan, mantuk mareng
 kaḍatwanira. Mamintuhu ta sira ri wuwus ning meṣa si
 Banggali, wande sirālaběh agni. Kunang sakweh nikang
 drēwya pinuṇyakěnira nguni, lwirnya sadhana, bhūṣaṇa
 mwang upakāra, ya ta prasiddha pinakaprayaḥcitta pinari-
 ḥuddha Mahārājâridharma dening sang mahādwija **ḥiwa**
boddha mwang **rěsi** paṇḍita samudaya. Ya ta mangun

¹⁾—¹⁾ ontbreekt in 4533.

²⁾ 4533: misan.

³⁾ Naar 4533; 4534 heeft: Sis.

⁴⁾ Aangevuld.

swasthā Çrī Mahārājāridharma, nguniweh pagēh ning ¹⁾ swanagara. Kunang Dewī Māyāwatī lastari tumēdun ing agni, prihawak sira; kunang ikang wēdus wadwan tumut yālabuh agni.

Tinon de bhagawān Basubhāga, magawe çloka:

(75) *uttama-madhya-kaniṣṭham kottamam wacano bhawet tasya mahatagrastawa wākyam samadya wijayet.* ²⁾ kalinganya: Ujar ing *kaniṣṭha-madhya-uttama*, asing yogya yukti ika idēpēn; ikang tan yukti tilarakēna, kadyangga ning wuwus ning mesa — kathamapi inidēp de Mahārājāridharma. Matangnya n yukti wuwus ni ngulun.

Mangkana wuwus nikang Sambaddha çrēgala saha çloka:

(76) „*nalingning candanasthinam açwānām paminam tīkṣṇa* ³⁾ *nakhinām ca nadīnām ca çṛṅginām çastrapāninām* ⁴⁾ *viçvāso naiva kartavyaḥ strīṣu rājakuleṣu ca* „*wiçwāsā newa kartawya strikulaja sulesunaih* „kalinganya: Rakwa warah-warah sang paṇḍita, ikang tan „wēnangrowanganingsangsarga, wwang duṣṭa, satwālaṇḍēp „sungunya, malaṇḍēp kukunya matwas, strīnira sang ratu, „anambēbēng ing awan, warga sang Ratu, tan yogya ika „makasangsargaa”.

[77] „Mangkana ling sang Paṇḍita. — Pāduka Ra Sangulun „kapwa wiçeṣa ri sang Nandaka; sungunya magēng alungid „kadi khadga-tulya, sāksāt pangalap urip, pati umēntak „kita”.

Nahan ling nikang Sambaddha çrēgala, mangadu-adu; mamintuhu ta sang Singa-rāja. Wēkasan lumakwa pwa ya mareng sang Nandaka, dinulur denikang patih Sambaddha çrēgala saha wadwanya. Kabeh masē ta mareng sang Bherawa, sadā masinga-nāda, mangakakēn (?) tiking wulatnya. Kunang sang Nandaka tan matakut dening wuwus nikang Sambaddheng uni. Wija-wijah ta ya sang Nandaka mangam-

¹⁾ 4533: pagēhan ing.

²⁾ (4533: i...i).

³⁾ (4533: r).

⁴⁾ Ind. Spr. 3214 (zie ook çloka 16).

busan maningat lĕmah, angra (?) tuṣṭāmbĕknya, umulat pwa ya sang singa Çrī Caṇḍapinggala; walingnya: „Ih ya ma-
„kira-kira urip tumandang ta sang singa Caṇḍapinggala”. Mangdĕmak ring sang Nandaka, tan salah sahutnya, puṇḍak sang Nandaka. Kagyat ta sang Nandaka, siningatakĕn ta sungunya, makoleran usus sang Singa-rāja, pinakasampĕt de sang Nandaka, kadi sawitnya. Pĕjah pwa ya kalih sang singa lawan sang Nandaka, mapulang pwa ya, ikang singa mulih ing Wiṣṇu-bhawana, ikang Nandaka mulih ing Çiwa-pada.

Tinon de bhagawān Basubhāga, magawe çloka:

(77) niccotyesapateduhkam niccohutpāpatemrĕtyu ¹⁾
paramwatāwikasyanti tasmāt nicca wisarjayet ²⁾

kalinganya:

Nīca buddhi, pinakamārganyāmanggiĥ pāpa; **nīca** sangka ning mamanggiĥ **bhaya** mwanġ pati. Matangya n deya sang **sādhū-jana** kabeh, sang mahyun ing sukhawāhya, aywa juga **masangsarga** lawan ikang **nīca-buddhi**. Tan yogya mitranya, apan ³⁾ **caṇḍa-bherawa buddhinya** ³⁾. Ikang duṣṭa wiṣāmbĕknya, sopadi kang ayu; yan siniwo-siwo bwat manggarut, nguniweh panahutnya. Matangnya n sang **sādhū-jana**, ayo tanpamilih ika mitra. Darçana ika pĕjah sang Nandaka kalawan sang singa Caṇḍapinggala. Pĕjah pwa sira kalih, piniçunā dening Sambaddha çrĕgala mapuhara.

Mināngsa wangkenya sang Nandaka, mwanġ sang singa, dening patih Sambaddha çrĕgala, denyāmāngsa mawarĕg-warĕgan. [78] Mawasana pĕjah kawĕkarĕn si Sambaddha çrĕgala, tĕkeng wadwanya sama pĕjah kawĕkarĕn dening lobhanya. Kunang ātmanya si Sambaddha, mulih maring Wālukārṇawa Tāmbrahoghmukha, pinakaitip ing kawah ring Yamanīloka, denyāmukti pañcagati-sangsāra. Amilang wulunyāwaknya lawasnya, mangĕmasi pāpa, sapuluh tahun ing wulunya tunggal-tunggal. Samangkana denyāmukti pā-

¹⁾ 4533: *sepi. a. ah.*

²⁾ 4533: *ih. ar.*

³⁾—³⁾ Ontbreekt in 4533.

taka, sama kalawan sang Pāpaka. Mangkana kapangguh
ing tan yukti ring jagat pinakaelik ning bhūmi, apan da-
lurung ¹⁾ denyâweh larâmbëk, nityâkire duḥkha satata.

ITI CANDAPINGGALA SAMĀPTA,
TANTRI-CARITA, TANTRA-WĀKYA.

I çāka bhadrawāda çuklapakṣa pañcadaçī upadhāna rāh ∞ tēnggëk
tunggal ²⁾ k çū wara sungsang samangka diwasanika wuwusanira
sang hyang pustaka.

pūrṇa likhiteng saringhodahan paryantukanurun asādhu wirūpa
ning akṣara akweh tuna lēwih kapajēngana de sang Sudyamaca. ³⁾

¹⁾ Er staat: dalu.

²⁾ 1816 (Çāka) = 1895 a. D.

³⁾ Deze kolofon slechts in 4534.